



Sulinermik Inuussutissarsiuteqartut Kattuffiat

aamma

Air Greenland A/S-ip

akornani

Isumaqtigiissut

2022-2024

Imarisai

§ 1 - Isumaqtigiissummi pineqartut.....	3
§ 2 - Suliffiup sivisussusia.	3
§ 3 - Akissarsiat.....	3
§ 4 - Qaangiuttoornersiat.....	4
§ 5 - Ukiunut suliffigisimasanut tapisiat.	4
§ 6 - Pikkorissutsimut tapisiat.	5
§ 7 - Nallittuni akissarsiat.	5
§ 8 - Akissarsiat tunniunneqartarnerat.	6
§ 9 - Ullormusiat.	6
§ 10 - Napparsimaneq aamma immikkut sulinngiffeqartitaaneq.....	6
§ 11 - Sulinngiffeqarallarneq.	7
§ 12 - Soraarnerussutisiat.....	7
§ 13 - Sulinngiffeqarneq.	8
§ 14 - Nuunneq.....	8
§ 15 - Sillimmasiissutit.....	8
§ 16 - Toqukkut qimagaasunut akissarsiarititassat.	8
§ 17 - Air Greenland A/S-imi aalajangersakkat naliginnaasut.	9
§ 18 - Atisat sullisit.	9
§ 19 - Soraarnissamik ilimasaarutit.	9
§ 20 - Sulisut sinnisaat pillugit aalajangersakkat.	9
§ 21 - Aaqqiagiinngissutit, kinaassusersiorluni soraarsitsisarnerit kiisalu assuarlersinnaaneq.	10
§ 22 - SIK-RÅD.....	11
§ 23 - SIK-p aningaasaateqarfii.	11
§ 24 - Isumaqtigiissutip atuutilerfia atorunnaarfissaalu.....	12

§ 1 - Isumaqtigiissummi pineqartut.

- Imm. 1.** Isumaqtigiissummi pineqarput Air Greenland A/S-mi mittarfinni sulisut qaammam-musiallit.
- Imm. 2.** Isumaqtigiissutip matuma atuunnerata nalaani Air Greenland A/S-mi sulisut allat sulisut-nut imm. 1-mi taaneqartunut assersuunneqarsinnaasut isumaqtigiissummut matumun-nga ilangunneqarnissaat isumaqtiginniutigineqarsinnaavoq.

§ 2 - Suliffiup sivisussusia.

- Imm. 1.** Sapaatip akunneranut nalinginnaasumik suliffiussapput nalunaaquttap akunneri 40-t. Piffissaq suliffiusoq sulianik ingerlataqavinnermut atorneqassaaq. Piffissami suliffiusumi suliamik ingerlataqavifflusumi ilaapput nerissalluni unikkallartarnerit tallimat 30 minut-sinik sivisussusillit. Allamik isumaqtigiissuteqartoqarsimannngippat piffissaq suliffiusoq tassaavoq sapaatip akunnerani ullut siullit tallimat nal. 06.00-p aamma nal. 21.00-p akornanni aammalu arfininngornermi nal. 06.00-p 14.00-llu akornanni.
- Imm. 2.** Piffissap suliffissap qaammammut pilersaarusrorseqarnerani qulakkeerneqartassaaq sulisup sapaatip akunnera allortarlugu ullut marluk atasuinnarmik sulinngiffeqartarnis-saa. Aamma anguniarneqassaaq sapaatip akunnera allortarlugu ullut marluk atasuinnarmik sapaatip akunnerata naaneranut sulinngiffeqartarnissap inissinneqarnis-saa.
- Imm. 3.** Sulinermut tunngatillugu angalanermi piffissaq angalanermi atorneqartoq piffissatut su-liffivittut naatsorsuutigineqassaaq.
- Imm. 4.** Sulinermi isumaqtigiinngissutit suliarineqartarnerat pillugu isumaqtigiissut naapertor-lugu SIK assuarlersinnaatitaavoq isumaqaruni piffissap ulluinnarni suliffiup inisisimane-ra arfininngornikkullu sulinngissinnaatitaanerit suliffeqarfiup pisariaqartitsineranik naammaginartumik nassuaatissartaqanngitsut.

§ 3 - Akissarsiat.

- Imm. 1.** Isumaqtigiissut manna malillugu 1. Januar 2022-imiit sulisut qaammammut akissarsiat imaapput: Tunngaviusumik akissarsiat 22.326,39 kr.
- Imm. 2.** Isumaqtigiissut manna malillugu 1. Januar 2023-imiit sulisut qaammammut akissarsiat imaapput: Tunngaviusumik akissarsiat 22.917,80 kr.

Imm. 3. Isumaqatigiissut manna malillugu 1. Januar 2024-imiit sulisut qaammammut akissarsiaat imaapput: Tunngaviusumik akissarsiat 23.509,21 kr.

§ 4 - Qaangiuttoornersiat.

Imm. 1. Piffissaq nalinginnaasumik suliffissaq qaangerlugu sulinermi tapisiaqartitsisoqassaaq. Tapisiaq tiiminut tamarmiusunut annertussuseqarpoq 1/173,33-imik ukuninnga katitigaalluni - akissarsiat tunngaviusut + ukiunut suliffigisimasanut tapisiat + ilinniarsimaner- mut tapisiat + 50%.

Imm. 2. Ulluinnarni nal. 21.00-p kingornatigumiit ullup tulliani nal. 06.00 tikillugu qaangiuttoor- nermi aammalu arfininngornermi nal. 14.00-p kingornatigumiit ataasinngornermi nal. 06.00 tikillugu sulinermi tapisiaqartitsisoqartassaaq imm. 1-mi naatsorsorneqarsimasut 100%-inngorlugit.

Imm. 3. Kangerlussuarmi sulisunut tassani najugaqarallarnermut tapiissutigineqartassapput qaammammut 1.150,00 kr.

Narsarsuarmi sulisunut tassani najugaqarallarnermut tapiissutigineqartassapput qaammammut 250,00 kr.

Imm. 4. Suliffissap naliginnaasumik avataatigut imaluunnit ulloq sulinngiffiup iluani, suliatortitaa- nikkut, minnerpaamik sulismanernik akunnerit pingasut tunniunneqassapput.

§ 5 - Ukiunut suliffigisimasanut tapisiat.

Imm. 1. Ukiuni marlunni Air Greenland A/S-imi atorfeqareernermi tunniunneqartassaaq ukiunut suliffigisimasanut tapisiaq 1 angissuseqartoq qaammammut 1.100,00 kr.

Imm. 2. Ukiuni sisamani Air Greenland A/S-imi atorfeqareernermi tunniunneqartassaaq ukiunut suliffigisimasanut tapisiaq 2 angissuseqartoq qaammammut 2.600,00 kr.

Imm. 3. Ukiuni arfinilinni Air Greenland A/S-imi atorfeqareernermi tunniunneqartassaaq ukiunut suliffigisimasanut tapisiaq 3 angissuseqartoq qaammammut 2.900,00 kr.

Imm. 4. Ukiuni arfineq pingasuni Air Greenland A/S-imi atorfeqareernermi tunniunneqartassaaq ukiunut suliffigisimasanut tapisiaq 4 angissuseqartoq qaammammut 3.100,00 kr.

Imm. 5. Taamaattorli immikoortuni 1-2-3-4-mi tapi atassiinnaq tunniunneqarsinnaavoq.

§ 6 - Pikkorissutsimut tapisiat.

- Imm. 1. Mittarfeqarfimmi sulisuunermut atatillugu ilinniartitsinerit pisariaqartut Air Greenland A/S-ip isumagissavai. Atuarnermut pikkorissarnermullu piffissaq atorneqartoq piffissatut nalinginnaasumik suliffiusutut naatsorsuutigineqassaaq.
- Imm. 2. Sulisut allanik piginnaasallit imaluunniit pikkorissareernikkut taamaaqataanik piginnaas-suseqalersimasut ilinniarsimanermut tapiissutisisassapput angissuseqartumik qaam-mammut 1.000,00 kr.
- Imm. 3. Sulisunut immikkut ittumik aalajaallutilu pikkorissunut Air Greenland A/S-ip pikkorissut-simut tapisiaaliisinnaavoq. Pikkorissutsimut tapisiaaliinerni tamani SIK-p sulisunut sinniisa isumasierneqartassaaq. Sulisut sinniissumut toqqaasoqarsimanngippat, SIK isumasierne-qartassaaq.
- Imm. 4. Imm. 3 naapertorlugu pikkorissutsimut tapisiat ukioq ataasiakkaarlugu tunniunneqartas-sapput 1. januar aallarnerfigalugu.
- Imm. 5. Sulisut sinniisaat sulisup imm. 3 naapertorlugu pikkorissutsimut tapisiaqalernissaanik sukkulluunniit Air Greenland A/S-imut siunnersuuteqarsinnaatitaavoq.
- Imm. 6. Suleqatigiikkuutaanut aqtsisuunermut tapisiaq 1.100,00 kr. tunniunneqartassaaq suli-sunut suleqatiminntu suleqatigiissunut akisussaatitaasunut.
- Imm. 7. Ilitsersuisunut Air Greenland A/S-ip toqqagaanut ilitsersuisutut sulinermut tapisiaqartit-sisoqassaaq angissuseqartumik qaammammut 1.000,00 kr.

§ 7 - Nalliuttuni akissarsiat.

- Imm. 1. Sapaatini nalliuttunilu sulineq qaangiuttoornersiutinik akilerneqartassaaq.
- Imm. 2. Nalliuttut tassaapput ullut ilagiit nalliuttui aamma 24. December aamma 31. December kiisalu Kalaallit Inuiattut Ullorsiorfiat 21. Juni. Kunngit pingasut ulluanni ullup affaa nal-liuttutut isigineqassaaq.

- Imm. 3.** 1. Maj, sulisartut nunarsuarmi tamarmi ullorsiorfiat, Air Greenland A/S-imi tassaavoq ulloq nalinginnaasumik suliffik. Suliassat eqqarsaatigalugit ajornanngikkaangat isumaqatigiissut manna naapertorlugu sulisusoq piffissaalluarallartillugu qinnuteqarsinnaavoq qaangiuttoornersiassanut taarsiullugu sulinngiffeqarniarluni imaluunniit akissarsiassaminik ilanngaanneqarluni ulloq naallugu suliniarani.
- Imm. 4.** Arfinningornermi nal. 14.00-p kingorna ataasinngornermut nal. 06.00 tikillugu piareer-simasussaatitaanermut tapisiaritinneqassaaq 400,00 kr.-inik Nalliuuttuni piareersimasus-saatitaanermut tapisiaritinneqassaaq 400,00 kr.-inik Piareersimatitaanerup nalaani suli-artoqquaanermi piffissaq suliffigisaq kisimi akissarsissutaasassaaq. Piareersimatitaan-nermi suliffiup sivisussusia arlalinngorlugu aggulunneqarsinnaavoq, taamaattorli aggeq-qusaanerit sivikinnerpaamik nalunaaquattap akunnerinik marlunnik akuttussuse-qassapput.

§ 8 - Akissarsiat tunniunneqartarnerat.

Akissarsiat tunniunneqartassapput qaammammut kingumoortumik, kingusinnerpaamik qaammatip naanerani ulluinnarmi kingullermi.

§ 9 - Ullormusiat.

Sulisut sumiiffigisaq qimallugu suliartortitaagallartut Air Greenland A/S-imi aalajanger-sakkat malillugit ullormusiaqartinneqarlutillu ineqartinneqassapput.

§ 10 - Napparsimaneq aamma immikkut sulinngiffeqartitaaneq.

- Imm. 1.** Sulisup napparsimanerani tamakkiisumik akissarsiaqartitsisoqartassaaq.
- Imm. 2.** Ullormi napparsimaffimmi siullermi napparsimaneq sapinngisamik piaartumik nalunaa-rutigineqartassaaq aamma sulinerup aallartinnissaa sioqqullugu nalunaarutigineqassal-luni.
- Imm. 3.** Nalunaanngitsoornerup kingunerisinnaavaa napparsimanerup nalaani akissaarsiassaaga-luanik annaasaqarneq.
- Imm. 4.** Napparsimanermi akissarsiaqartitsisoqarsinnaanngilaq inuk pineqartoq nammineq an-nertuumik mianersuaalliornermigut napparsimalersimappat.

Imm. 5. Aalajangersimasumik atorfilik akissarsiani pigiinnarlugit tamakkiisumik ilaannakortumil- luunniit sulinngiffeqarsinnaatitaavoq qitornami nukangasup napparsimanerani ullormi siullermi paarsinissaminut. Inunnut ataasiakkaanut tunngatillugu tamanna atorunnaar- sinneqarsinnaavoq atornerlunneqaruni.

Imm. 6. Sulisut atorfeqavissut ukiumut ulluni pingasuni immikkut sulinngiffeqartitaasinnaapput (omsorgsdage). Ullut taakku ukiup ataatsip iluani atorneqassapput, tassani sulisitsumut isu-maqatigiinnikkut. Ullut tamakkiisumik atorneqanngitsut aningaasanngortinnejqarsin- naanngillat, kiisalu ukiup tullianut nuunnejqarsinnaanatik.

§ 11 - Sulinngiffeqarallarneq.

Imm. 1. Air Greenland A/S-i sulinngiffeqarallartitsisinnaavoq. sulinngiffeqarallarnerup nalaani ukiunut suliffigisimasanut tapisiassanik katersisoqarsinnaanngilaq.

Imm. 2. Erninermut tunngatillugu inatsimmi malittarisassat malillugit sulinngiffeqarnermi tamakkiisumik akissarsiat pigiinnarneqassapput, aamma angajoqqaatut sulinngiffeqarnermi.

§ 12 - Soraarnerussutisiat.

Imm. 1. Isumaqatigiissummi matumani isumaqatigiissutigineqarpoq isumaqatigiissummut matumunnga atasumik aalajangersimasumik sulisunut atuuttussamik pinngitsoorani malitassamik soraarnerussutisiaqalernissamut aaqqissuussisoqassasoq.

1. januar 2019-imiit atuutilersumik aalajangersimasumik atorfeqartut tunngaviusumik akissarsiamik ukiunullu suliffigisimasanut tapiissutisiaminniit 2,5 procentiat akilertas- sagaat Air Greenland A/S-illu tapertassallugu 8,2 procentimik taamaaqataanik naat- sorsugaasumik. Sulisunut ataasiakkaanut tunngatillugu aningaasat qaammatikkaartumik akilerneqartassapput Soraarnerussutisiaqalernissamut Aningaasaateqarfimmut SISA- mut.

Imm. 2. Soraarnerussutisiaqalernissamut Aningaasaateqarfik SISA pisussaatitaavoq sulisut aala- jangersimasumik atorfeqartut ilisimatittuassallugit soraarnerussutisiaqalernissamut piumasaasut pissutsillu allat tassunga tunngasut suunersut.

Imm. 3. Sulisut ataasiakkaat kissaatigippassuk Air Greenland A/S piareersimavoq procentit tama- nut atuuttut qaavatigut akiliutigumasaat ingerlateqqittassallugit.

§ 13 - Sulinngiffeqarneq.

- Imm. 1.** Kalaallit Nunaanni Inatsisartut sulinngiffeqarneq pillugu inatsisaat atuuppoq.
- Imm. 2.** Air Greenland A/S-ip sulinngiffeqarneq akikillisamillu angalasarneq pillugu malittarisassai nalinginnaasut sukkulluunniit atuuttut isumaqtigissutip matuma atuunnerani sulisu-nut atuupput.

§ 14 - Nuunneq.

Mittarfefqarfimmi atorfeqartup allamut nuunnerani pigisanut akissaajaativit Air Greenland A/S-ip akilissavai taamaallaat pinnagit angallat, biili snescooterilu, tassa mittarfefqarfimmi sulisoq illoqarfimmut allamut nuuppat.

§ 15 - Sillimmasiissutit.

- Imm. 1.** Sulisut sulinermanni ajoqusersinnaanerannut sillimmasiissutaasartoq inatsisitigut nalin-ginnaasumik peqqussutaasoq Air Greenland A/S-ip sillimmasiissutigissavaa atatiinnas-sallugulu.
- Imm. 2.** Taamatuttaaq Air Greenland A/S-ip sillimmasiissutigalugillu atatiinnassavai tamakkii-sumik sillimmasiissutit toqunermermi 500.000,00 kr.-it imaluunniit innarluuteqalernermi 1.000.000,00 kr.-it (sillimmasiisarnermi piumasaqaatit malillugit annertussusissaa aala-jangersagassaq).
- Imm. 3.** Sulisunut atorfeqvissunut Air Greenland A/S napparsimanermut tapiisummik (Top Danmark Sundhedssikring) atuutitaqarpooq, tassani piumasaqaatit malillugit immikkut akiliinikkut aapparisaq meeqqallu ilanngunneqarsinnaallutik.

§ 16 - Toqukkut qimagaasunut akissarsiarititassat.

Sulisuusoq atorfeqarnermi nalaani toquppat qimataasunut akissarsiaqartitsisoqassaaq. Toqukkut qimataasunut akissarsiassat tunniunneqassapput aappaasumut qimataasumut qitornanulluunniit 18-it inorlugit ukiulinnut sulisuuusup pilersugarisimasaanut. Qimataasunut akisarsiassat tunniunneqartassapput qaammat ataaseq, marluk pingasul-juunniit akisariatut, tamatumani apeqqutaalluni sulisuuusimasoq ukioq ataaseq, marluk pingasulluunniit Air Greenland A/S-imi sulisuuusimanersoq.

§ 17 - Air Greenland A/S-imi aalajangersakkat nalinginnaasut.

Isumaqtigisiutigineqarpoq Air Greenland A/S-imi aalajangersakkanut nalinginnaasunut innersuussisoqartillugu illuatungeriit isumaqtiginniartassasut nalinginnaasumik aalajangersakkanut allannguutit isumaqtigisiutip matuma atuunnerata nalaani sulisorisanut ajornerulersitsisussamik kinguneqassatillugit.

§ 18 - Atisat sullisit.

Air Greenland A/S sulisunut ataasiakkaanut tamanut suliamut pissutsinullu naapertututnik atisaqartitsissaaq sullisinik.

§ 19 - Soraarnissamik ilimasaarutit.

- Imm. 1.** Sulisut isumaqtigisummi matumani ilaasut Kalaallit Nunaanni sulisitsut aamma atorfillit akornanni inatsisit soraarnissamik ilimasaarneqarnissamut soraarnissamullu malitta-risassanut allanut ilaapput.
- Imm. 2.** Sulisunngornermiit qaammatit siullit pingasut piffissatut misilinneqarfittut isigineqasapput, piffissallu taassuma ingerlanerani sulisuuneq illuatungeriinnit atorunnarsinnejarsinnaavoq ullut 14-t sioqqullugit ilimasaarereernikkut.
- Imm. 3.** Soraarnissamik ilimasaarut sulisuuusup sulisitsisullu allaganngorlugu tunniutissavaat.

§ 20 - Sulisut sinniisaat pillugit aalajangersakkat.

- Imm. 1.** Sulisut sulisut sinniisaannik qinersisinnaatitaapput nunap immikkoortuini ukunani sismani: Avanna, Qeqqa, Nuuk aamma Kujataa. Sulisut sinniisaat taakkua sisamat akunerminni sinniisuunerusussamik qinersissapput.
- Imm. 2.** Qinersineq atortuulersinnaangilaq SIK-miit akuerineqartinnani tassanngaaniillu Air Greenland A/S-imut nalunaarutigineqartinnani. Air Greenland A/S-i akerliliisinnaatitaa-voq. kisiannili sulisut sinniisaata illersorneqarnera atuutilissaaq qinersisoqareerpat tamannalu selskabimut nalunaarutigineqareerpat.
- Imm. 3.** Sulisut sinniisaat taamaallaat soraarsinnejarsinnaavoq illuatungeriit suliat aalajangiiffigineqartarnerat pillugu suleriaaseq naapertorlugu suliaq pillugu isumaqtigisiuteqarsimappata.

- Imm. 4.** Sulisut sinnisaat piffissap suliffiup nalinginnaasup ingerlanerani ataatsimiinnernut isumaqatigiinniarnernulluunniit peqataappat imaluunniit sulisuuusut soqutigisaannik sulairinnippat suliffeqarfiup nalinginnaasumik nalunaaquttap akunneranut akilersussavaa.
- Imm. 5.** Ataatsimiinneq piumasarineqarsinnaavoq sulisartunit, sulisitsisumit imaluunniit sulisut sinnisuannit. Sulisut sinnisullu akornanni ataatsimiinnerit pisassapput piffissami sinniisup sinnisutut suliassaminik suliaqarfissaata iluani.
- Imm. 6.** Suliffeqarfimmi suleqatigiinnermi paaseqatigiinnissaq siunertaralugu suliffeqarfik isumaqatigereerlugu SIK piffissap suliffiup nalaani ukiumut marlorarluni nalunaaquttap akunnerini marlunni ataatsimiitsisinnaavoq akissarsianik ilanngaassinetaqanngitsumik.
- Imm. 7.** Sulisut sinnisaata SIK-lluunniit kisaatigippassuk sulisut sinnisaat sulisut sinnisaattut iliniarnissani siunertaralugu ataatsimeeqataassasoq pikkorissarnernulluunniit peqataassasoq selskabip akuersarpaa sinnisoq sulinngiffeqassasoq piffissami pisariaqartineqartumi akissarsiani pigiinnarlugit. Ukiumut sapaatip akunneri marluk angullugit sulinngiffeqartitsisoqarsinnaavoq akissarsiat pigiinnarlugit.
- Imm. 8.** Sulisut sinnisaat SIK-p siulersuisuunerinut ilaasortanngussaguni siulersuisuunerit ataatsimiinnerinut peqataasarsinnaatitaavoq akissarsiaminik ilanngaanneqarani. Air Greenland A/S-ip nammeneq timmisartuutini atorlugit angalaneq nammeneq akilissavaa. Sulinngikkallartoqarumappat Air Greenland A/S-i sapaatip akunneri sisamat sioqquillugit ilimasaarneqassaaq.
- Imm. 9.** Isumaqtigiissut sukkulluunniit atuuttoq nutarterlugu isumaqtigiinniutigineqartillugu peqataanissaminnut sulisut sinnisaattut qinigaasimasut ulloq ataaseq marluluunniit sulinngiffeqarsinnaatitaapput Katuffiup piareersaqatiginissaanut.

§ 21 - Aaqqiagiinngissutit, kinaassusersiorluni soraarsitsisarnerit kiisalu assuarlersinnaaneq.

- Imm. 1.** Aaqqiagiinngissutit suliarineqartassapput suliat pillugit aaqqiagiinngissutit suliarineqartarnissaannik Kalaallit Nunaani Naalakkersuisut SIK-llu akornanni isumaqtigiissut naapertorlugu.
- Imm. 2.** Inuup ataatsip soraarsinnissaanut piginnaatitaaneq atorneqartillugu kinaassusersiorneq atorneqassanngilaq. Apeqqutit tamatumunnga tunngasut aalajangiiffigineqarsinnaap-put suliat pillugit aaqqiagiinngissutit suliarineqartarnissaa-nnik isumaqtigiissut imm. 1-mi taaneqartoq naapertorlugu sulisartut eqqartuussivianni aalajangiinikkut.

Imm. 3. Isumaqatigiissut manna naapertorlugu sulisup pisinnaatitaaffii nalornissutigineqalersillugit aammalu sulisut sinnisaata sulisitsisumut nalornissutigineqarlersoq pillugu saaffiginissutaa aaqqiivigine-qanngippat sulisut sinnisaat aqqutigalugu nalornissutigineqalersoq SIK-mut suliassanngortissinnaavaa, tamatumallu kingorna SIK-p toqqaannartumik sulisitsisumut isumaqatiginniutigalugu. Isumaqatigittoqanngippat suliassaq imm. 1-mi taaneqartutut suliat pillugit aaqqiagiinngissutit suliarineqartarnerat pillugu isumaqati- giissut malillugu suliarineqassaaq.

§ 22 - SIK-RÅD.

- Imm. 1.** SIK-Råd ilaasortaqarpoq sulisunut sinniisut SIK-mit § 20 imm. 1, malillugu toqqakkat, Air Greenland A/S-minnganiillu toqqakkat marluk. SIK-Råd-ip suliassaraa suliani ulluinnarni aqutsisup sulisullu sinnisaata pineqartup akunnerminni suleqatigiillutik naapertutumik aaqqiifigisinnaanngisaani paasisitsissallutik naammaginartumillu aaqqiinissamut peqataassallutik.
- Imm. 2.** SIK-Råd ukiumut ataasiarluni katersuuttassaaq aammalu illuatungeriit arlaata piumasari-gaangagu. Ataatsimiinnermi ullormut oqaluuserisassat aalajangersimasut tassaassapput pitsaassuseq, ilinniartitaaneq, sulisoqarneq, kiisalu siunnersuutit tunniunneqarsimasut oqaluuserineqarnerat.

§ 23 - SIK-p aningaasaateqarfii.

- Imm. 1. Sulinngiffeqarnermut aningaasaateqarfik.**
Sulinngiffeqarnersutissat isumaqatigiissutip matuma atuunnerani sulisuuusumit Air Greenland A/S-imil katarsorneqarsimasut ukiup sulinngiffeqarfiusup ingerlanerani sulisumit soraarsimasumit pineqartumit Air Greenland A/S-imut aaneqarsimannngitsut Air Greenland A/S-miit SIK-p Sulinngiffeqarnermut Aningaasaateqarfianut nakkartin-neqassapput. Nakkartinneqartassapput ukiup sulinngiffeqarfiusup naanerani. Isumaqatigiissummi matumani Sulinngiffeqarnermut Aningaasaateqarfimmumt sulisuuusup ataatsip akunnermut suliffianut ataatsimut 0,43 kr.-imik angissusilerlugin Air Greenland A/S 1. januar 2019-miit tapiissuteqartassaaq.
- Imm. 2. Qaammarsaanermut ilinniartitaanermullu aningaasaateqarfik.**
Isumaqatigiissut manna naapertorlugu SIK-p Qaammarsaanermut ilinniartitaanermullu aningaasaateqarfianut Air Greenland A/S 1. Januar 2019-miit akileeqataasassaaq sulisup ataatsip sulineranut nalunaaquttag akunneranut 0,75 kruuninik. Akileeqataassut Air

Greenland A/S-ip qaammammoortumik akilertassavaa bankimi kontomut SIK-p toqqagaanut aningasaateqarfimmut atasumut.

Imm. 3. Isumaginninnermut aningasaateqarfik.

Isumaqtigiissut manna naapertorlugu SIK-p aamma Air Greenland A/S-ip akunnerminni pilersitaanik Isumaginninnermut aningasaateqarfimmut Air Greenland A/S 1. Januar 2019-miit akileeqataasassaaq sulisup ataatsip sulineranut nalunaaquttap akunneranut 0,15 kruuninik. Akileeqataassut Air Greenland A/S-ip qaammammoortumik akilertassa- vaa bankimi kontomut SIK-p toqqagaanut aningasaateqarfimmut atasumut.

§ 24 - Isumaqtigiissutip atuutilerfia atorunnaarfissaalu.

- Imm. 1.** Isumaqtigiissut atortuulissaaq 1. januar 2022, tamatumani apequaalluni SIK-mi ilaasor- tat akuerissaneraat isumaqtigiissutip atsiorneraniit kingusinnerpaamik qaammatip ataatsip qaangiunnerani akuersisimanissaat.
- Imm. 2.** Isumaqtigiissut illuatungeriinnit atorunnaarsinneqarsinnaavoq qaammatinik pingasunik sioqqutsilluni ilimasaarereernikkut, taamaattorli siusinnerpaamik 31. December 2024-mi.
- Imm. 3.** Isumaqtigiissut imm. 2 naapertorlugu atorunnaarsinneqaraluaruniluunniit ullup atorun- naarfimmi kingornatigut atuutiinnassaaq illuatungeriit arlaat katillugu ullut 14-inik sioq- qutsilluni nalunaaruteqarserlugu isumaqtigiissut atorunnaarniarlugu.

Nuuk, ulloq decembarip 21-ani 2021

Sulinermik Inuussutissarsiuteqartut Kattuffiat,

Air Greenland A/S,

Jess G. Berthelsen
SIK-mi Siulittaasoq.

Mads B. Christensen
HR-mi Pisortaq.